

THE FIRST EPISTLE OF PAUL THE APOSTLE TO TIMOTHY

1 ¹Shíí Paul, Bik'ehgo'ihí'naán Hasdánohwiñilíí, ła'íí Jesus Christ nohweBik'ehń shendaagoz'ąąhíí bighą binal'a'á nshłj; Jesus Christ biláhyú ihí'naa doo ngonel'ąą dahíí ndaahóndlii; ²Timothy, odlą bee da'anii shiye' nłni, bich'í k'e'eshchii: Bik'ehgo'ihí'naán nohwiTaa ła'íí Jesus Christ nohweBik'ehń biłgoch'oba'íí ła'íí bits'ą'dí' aatét'íí ła'íí iłch'í'gont'ééhíí bee nich'í' goz'ąą le'. ³Macedóniayú déyáádá' ániłdéniiid n'íí k'ehgo nanánoshkąąhgo gánániłdish'nii, Éphesus golzeeyú síndaadá' ła' nneehíí łahgo at'éégo iłch'ígó'aahíí doo bee iłch'ídaagonoh'aah da le', nłdzilgo daabilnñii, ⁴Yati' daazhógo alzaahíí ła'íí hadín hadaafinest'aaníí doo ąąłzhí' baa na'gozñi' dahíí doo ídaayełts'ąą da le', daabiłnñii ałdó', áí ła'ągo łahadaagoch'ídit'áhgo áile', áí Bik'ehgo'ihí'naán kángon'áaníí doo łayłé' át'éé da, áí ko'odlą zhą bee łaile'. ⁵Áídá' kojíí biyi' nzhqogo, nłt'éégo ánách'it'jłł bígoch'ıłsigo, ła'íí da'anii ch'odlaąhíí bighą koł ijqo doleelgo koł ch'ídaagont'aah: ⁶Áí ła' nnee k'ihzhí' ádaaszaago łahadaadit'áhíí doo nt'é be'alnéhi yaa yádaakti'íí daasilj; ⁷Bik'ehgo'ihí'naán yegos'áni yaa iłch'ídaago'aahíí daanljigo hádaat'ij; ndihíí nt'é daanihíí ła'íí nt'é nłdzilgo yaa yádaakti'íí doo yídaagołsı da. ⁸Áídá' begoz'aaníí nłt'éhi áile' bídaagonłzi, dávik'ehyú iłch'ígót'aahyúgo, ła'íí bikísk'eh ánadaach'it'jlyúgo; ⁹Díí ałdó' bídaagonłzi, begoz'aaníí nnee dávik'ehyú ádaat'eehíí doo bá álzaa da, ndi hadíí doo begoz'aaníí yikísk'ehyú ádaat'ee dahíí bá álzaa, doo da'dits'ag dahíí, Bik'ehgo'ihí'naán doo daidnłsı dahíí, nchq'go ádaat'iinií, doo biłdaagodiyłh dahíí, ni' biká' nandeehíí zhą biłdaanzhqqhíí, bitaa hik'e bąą nadaıłtseedíí, ła'íí nnee nadaıłtseedíí bá álzaa, ¹⁰Ła'íí nant'í' nakaihíí, nnee dabíí iłch'í' biini' daamba'íí yee ídaadılchqqhíí, nnee ch'a'odaayihieehíí, łéda'ılchoohíí, yáná'ti' yune' nadaach'aahíí, ła'íí dahadínta da'anii iłch'ígót'aahíí yits'ą'zhí' ádaat'eehíí, áí dawa begoz'aaníí bá álzaa; ¹¹Áí da'anii iłch'ígót'aahíí Bik'ehgo'ihí'naán bits'ą'dí' baa gozhóni, biyati'

nt'éhi ba'ihégosini at'éé, áí baa nagoshni'íí shaa godet'ąą. ¹²Christ Jesus nohweBik'ehń bich'í' ihénsi, án díí bighą bínensh'ąągo áshíílaa, sha'okííhíí ła'íí bána'isiidgo áshíílaahíí shíł otlago ba'ihénsi; ¹³Shíí dabíntségo Jesus nchọ'go baa yashti' ni', biniigodeshłaa ni', ła'íí hoshch'iid ni': áídá' Bik'ehgo'ihí'nań shaa ch'ozbaad, doo bígonsi dayú, ła'íí doo oshdłąą dayú áshł'íí lék'ehíí bighą. ¹⁴NohweBik'ehń biłgoch'oba'íí shich'í' an'odaazłi, odlą' ła'íí i'íjoońií Christ Jesus biláhyú nohwíyééhíí áłdó' shich'í' an'odaazłi. ¹⁵Díí ágolzeehíí da'anii ágolzéhi, nnee dawa daayodłąągo dávik'eh, Christ Jesus nnee nchọ'go ánadaat'ííhíí hasdáyihiniilhíí bighą ni'goszán biká'zhí' nyáá; shíí áí itah dážhó itisgo nchọ'ihíí nshłi ni'. ¹⁶Shíí dantsé shiláhyú Jesus Christ dážhó shágoho'aalíí ch'í'nah áile'híí bighą Bik'ehgo'ihí'nań shaa ch'ozbaad, áík'ehgo bikédí'go hadíí da'odłąąhgo ihí'naa doo ngonel'ąą dahíí yee daahinaa doleełií áłdó' yágoho'aal doleełií shágoho'aal n'íí bee bigózi doleełií bighą Bik'ehgo'ihí'nań shaa chozbaad. ¹⁷Áík'ehgo ízisgo Nant'án, dahazhí' golńihi, doo datsaah dahi, doo hit'íi dahi, Bik'ehgo'ihí'nań dabízhą goyánihi, doo ngonel'ąą dayú dahazhí' daabich'idntsi ła'íí dážhó ba'ihédaach'inzi le'. Doleełgo at'éé. ¹⁸Timothy shiye', dabíntségo Holy Spirit binkááyú naa yałti' n'íí k'ehgo naa godensh'aahgo gániłdishni, Áí naa nagolni' n'íí k'ehgo nt'éégo nagonłkád le'; ¹⁹Ni'odłą' nłdzilgo hónıta, ła'íí nt'éégo ánánt'ííhíí ádıgonłzi le'; ła' bi'odłą' doo daayota' dago daabi'odłą' doo nt'é da silii, tsina'eełií nihiltqodhíí k'ehgo: ²⁰Áí Hyméneus ła'íí Alexánder daaholzéhi itah; áí Bik'ehgo'ihí'nań doo nchọ'go yaa yádaaltí' dago yídaago'aah doleełií bighą ch'iidn nant'án, Satan holzéhi, bich'í' bidéchid, yiniidaagodilne' doleełgo.

2 ¹Áík'ehgo dantségee, nnee dawa yá da'dohkéedgo, yá náda'ohkąąhgo, Bik'ehgo'ihí'nań yił daanłiigo yá da'ohkąąhgo, ła'íí ba'ihédaanohsigo yá da'ohkąąh le', daanohwıłdishni; ²Ízisgo nadaant'aahíí hik'e nnee yedaabik'ehíí dawa bá da'ohkąąh le'; nkegohen'ąągo k'ídaalón'niigo daahii'naa doleełií bighą, Bik'ehgo'ihí'nań bikísk'eh ádaant'eego ła'íí dawa daadinłzigo. ³Ágát'éégo da'ohiikaąhíí Bik'ehgo'ihí'nań Hasdánohwińiilíí bił nt'éé ła'íí bił dávik'eh; ⁴Áń nnee dawa hasdáyihiniil hik'e da'anii ágot'eehíí yídaagotsi hat'íí. ⁵Bik'ehgo'ihí'nań dałá'á nłii, Bik'ehgo'ihí'nań hik'e nnee bigizhgee siziiníí dałá'á, án Jesus Christ, nnee siliiigo nyáhi; ⁶Áń nnee dawa ádaidet'ąągo yá nada'iznil, nnee binchọ'íí yits'áyínííłgo, Bik'ehgo'ihí'nań ngon'ąą n'íí biká' ngonyáągo ch'í'nah silii. ⁷Áí baa yánashti'go hik'e bá shides'a'go, ła'íí doo Jews daanłi dahi odlą' hik'e da'anii ágot'eehíí bił ch'ígonsh'aahgo háshí'doltii; (Christ biláhyú da'anii ádishni, doo l'éishchoogo da.) ⁸Áí bighą dahayú nnee da'okąąhgo hasht'íí, bił daagodiyihgo bigan ts'ıdag yee dahdaadolni, doo hadaashkeego da, ła'íí doo biini' nakigo da. ⁹Isdzáné daanłini áłdó' da'ákoogo ík'eda'asdlaa le', doo ídaada'odłiigo da, ła'íí biini' daagoliiigo ídaa daagodząągo; doo dábitszil zhą binasdziidgo da, doo óodo hik'e

dilkqohé ła'íí diyágé łań ílíńíí yee ík'ena'asdlaago da; ¹⁰Áídá' nńt'éego ánádaat'ííhíí yee ík'eda'asdlaa le', (ágádaat'ííhíí isdzáné Bik'ehgo'ihí'nań bikísk'ehyú ádaant'ee daaníihíí dábik'eh.) ¹¹Isdzán nńlíni dant'éheego ígoł'aah le', idits'ago. ¹²Isdzán doo ła' nńee yił ch'ígó'aahgo baa godensh'aah da, nńee doo yá nant'aa da doleeł ałdó', ndi dant'éhee at'éé le'. ¹³Adam dantsé ábi'delzaa, Evehíí ikédí'go ábi'delzaa. ¹⁴Bich'í' na'dishch'a'íí doo Adamhíí da, áídá' isdzánhíí bich'í' na'dishch'a'go Bik'ehgo'ihí'nań, Dah, biłńiihíí dáytisyú ádzaa. ¹⁵Ágát'éé ndi isdzáné daanlíni ilchiigo biniigodilne' ndi dá yił ch'íhikáh, dayúweh da'odlaągo, dawa bił daanzhọqgo, bił daagodiyihgo, ła'íí biini' daagolíígo daahinaayúgo.

3 ¹Díí da'anii ágolzéhi, Nńee ła' ínashood yinádéz'iiníí binasdzidií háť'íyúgo aí na'ndziid nńt'ehi hat'íí. ²Ínashood yinádéz'iiníí, bishop holzéhi, doo hagog'éego baa dahgosit'aa dahíí nlii le', bi'aa dała'áhi, ádaagodzaa, biini' golíni, bi'at'e' nńt'ehi, bista' nakáhíí bił nzhóni, ła'íí nńt'éego ich'ígó'aahíí nlii le'; ³Doo idlaą dahíí, doo dagoshch'í' bągochíih dahíí, bestso doo yidáhzhí' nlii dahíí; áídá' kóni' k'ehgo at'éehíí, nzhọqgo at'éehíí, doo dawahá ídáhát'íí dahíí nlii le'; ⁴Áń bigowągee bichągháshé nńt'éego yá nant'aa le', bichągháshéhíí daabidits'ago, ła'íí daabidńsigo; ⁵(Nńee bichągháshé doo nńt'éego yá nant'aa dayúgo, hagog'éego Bik'ehgo'ihí'nań daayokąhgo ha'ánálséhíí nńt'éego áyíłsį doleeł?) ⁶Doo áńí ínashood silíihíí da, ágát'ehi nliiyúgo, itisdo da'ídotleełgo ída'odlíí lęk'eyúgo, dánko ch'iidn nant'án bąngot'ąhíí k'ehgo bąngodot'aal. ⁷Dayúwehyú ałdó' doo ínashood daanlii dahíí nńt'éego yaa nadaagolń'íí nlii le', doo ágát'ehi nlii da lęk'eyúgo, dánko baa dahgot'aah doleeł, ch'iidn nant'án biłjizh yune' odotłish. ⁸Tédaat'iyéhi nńt'éego ádaayíłsiníí, deacons daaholzéhi, ałdó' biini' daagolíí le', doo nakiyú yádaałti' dahíí, bestso doo yidáhzhí' nlii dahíí daanlii le'; ⁹Nńt'éego ánádaat'ííł yidaagot'sigo ich'ígót'aahíí da'ohiidlaaníí doo bigózi da n'íí daayota' le'. ¹⁰Áí ałdó' dantsé nabída'dintaah le'; áídí' doo baa dah daagost'áni da lęk'eyúgo, deacons daanlii doleeł. ¹¹Da'ágát'éego daabi'aahíí biini' daagolíí le', doo ch'ńni daanii dahíí daalíi le', ídaa daagodzaągo dawa bee daagondlii le'. ¹²Deacons daanlíni bi'aa dała'á le', bichągháshé ła'íí bigowągee dawa nńt'éego yá nant'aa le'. ¹³Deacons daanliigo nńt'éego nada'iziidyúgo, nńee nńt'éego baa natsídaakeesihíí ła'íí Christ Jesus bits'ą'dí' odla'íí doo biini' daaháh dago yá sizíihíí daayosbaą. ¹⁴Dét'ihégo nich'í' hisháal doleełíí bikádesh'íígo díí nich'í' k'e'eshchii: ¹⁵Ndi doo hwahá da lęk'eyúgo, Bik'ehgo'ihí'nań bichągháshé bitahyú hago'at'éego nńt'éego ách'ít'ééhíí bígonłsíihíí bighą nich'í' k'e'eshchii; áí Bik'ehgo'ihí'nań hińáhi daayokąhgo ha'ánálséhé at'éé, áí da'anii ágot'eehíí bee bíyah tsį n'áhi k'ehgo ła'íí bee nłdzilgo begoz'áni at'éé. ¹⁶Bik'ehgo'ihí'nań bee da'ohiidlaąhi dązhọ doo bigózi da n'íí da'anii daanńii, doo hadń yighą na'ídłkido da: Bik'ehgo'ihí'nań nńee k'ehgo nyáá, Holy Spirit biláhyú dábik'ehyú át'ééhíí ch'í'nah alzaa, Bik'ehgo'ihí'nań binal'a'á yaaká'yú daagolíiníí daabo'íi, doo Jews daanlii dahíí bich'í' yádaach'łłti, ni'gosdzán biká'zhí' bi'dodlaą, ízigo idindláádíí biyi' yúdag obi'doltíi lęk'e.

4 ¹Holy Spirit dábigózigo gáníí, Iké'yú goldohyú la' odla' yits'á'zhí' ádaane' doleeł, spirits k'izéda'dilteehíí la'íí ch'iidn bits'á'dí' ilch'ígót'aahíí hódaayésts'aa; ²Ágát'éégo ilch'ídaago'aahíí ínashood ídaadil'jigo léda'ilchoo; binatsekeesíí bésh sidogíí bee bída'dinlidhíí k'ehgo ádaat'ee, áík'ehgo nlt'éégo ádaat'eehíí dagohíí doo nlt'éégo ádaat'ee dahíí doo yídaagolsj da silji; ³Ágát'éégo ilch'ídaago'aahíí nnonéhela' daayiñni, la' hidán doo daahsaa da, daayiñni áldó', áídá' Bik'ehgo'ihí'nañ áí hidánhíí áyíílaago nnee da'anii ágót'eehíí yídaagolsjigo daayodlaaníí ya'ihédaanzigo daayiyaayúgo Bik'ehgo'ihí'nañ bíł dábik'eh. ⁴Bik'ehgo'ihí'nañ áyíílaahíí dawa daant'éé, áík'ehgo doo k'ihzhí' ádaile'go da, áídá' ya'ihédaanzigo daayiyaago dábik'eh: ⁵Bik'ehgo'ihí'nañ biyati'íí hik'e okąhíí bee nzhoqgo alzaahíí bighą. ⁶Jesus bee nohwik'ífyú daanlíni díí ilch'ígót'aahíí bee bich'í yánánłtihyúgo, Jesus Christ nlt'éégo yána'iziidíí íłjį doleeł, yati' daahohiidłąhíí la'íí nlt'éégo ilch'ígót'aahíí bikísk'eh hiñááłíí bee nłdzilgo ánłsł doo. ⁷Yati' Bik'ehgo'ihí'nañ doo bik'eh dahíí, la'íí sáan yati' daazhógo ádaagole'íí doo óyínłts'aa da: Bik'ehgo'ihí'nañ k'ehgo ánt'éé doleełhíí bighą ídínánłtaahgo bígonł'áah. ⁸Kots'í nłdzil doleełhíí bighą ídínách'intaahíí ayáłhągo íłjį, áídá' Bik'ehgo'ihí'nañ k'ehgo ách'ft'éé doleełgo ídínách'intaahgo bígoch'íł'aahíí, áí dązhó dawa bee íłjį, díí ihí'naahíí biyi' nlt'éégo nohwá ngon'ąą, la'íí iké'gee ihí'naahíí biyi' áldó'. ⁹Díí ágolzeehíí da'anii ágolzéhi, nnee dawa daabodłągo dábik'eh. ¹⁰Áí bighą nada'iidziid, la'íí nchó'go nohwaa yádaałti'híí bighą nohwiniidaagonł't'éé, da'anii Bik'ehgo'ihí'nañ hiñáhi bada'óndliigo, án nnee dawa hasdáyihiniłłí nłjį, dahadíí da'aniiigo daabodlaaníí zhą itisgo. ¹¹Díí ádishniihíí nłdzilgo ádaałnñii, la'íí bee ilch'ígon'áah. ¹²Ánii nanñaahíí bighą doo sínte' da le'; niyati'íí, ni'at'e'íí, ni'jíoóníí, ninatsekeesíí, ni'odla'íí, ni'jii biyi' nzhooníí bee nlt'éégo ánt'éé le', da'odlaaníí nedaal'jį doleełgo. ¹³Akú nýyáázhi' Bik'ehgo'ihí'nañ biyati' nnee bich'í' dayúweh daahónzhii, baa yánłti', la'íí bee ilch'ígon'áah. ¹⁴Dabínségo ínashood yánadaaziiníí níká' daadesniidá' niyi' goljį doleełgo naa hi'né'íí dayúweh bee na'izíid le'. ¹⁵Ániłdishniihíí dá baa natsínkees nt'éé; áí dá sínzjį nt'éégo ánánt'jį le'; áík'ehgo dayúwehégo ná goldohíí nnee dawa daano'jį doleeł. ¹⁶Ídaagondząą, ilch'ígon'áahíí baa gonyąą: áí k'ehgo dayúwehégo ánánt'jįlyúgo hasdánłáh, hadíí nids't'agíí áldó' hasdádogaal.

5 ¹Báyán nłni doo bíł ntéh da, áídá' nitaa nłni k'ehgo baa natsínkeesgo bidag yánłti'; nnee ánií nakaiyeehíí níkyú k'ehgo bidag yánłti'; ²Sáan daanlíni nimaa k'ehgo ádaahón'niih, dilkoqho ádinłzigo isdzané ánií nakaiyeehíí nilahkíí k'ehgo ádaahón'niih. ³Sáan itsaa daanlíni, doo hagót'éégo bich'ogo'nii dahíí daadłnsjigo bich'onñii le'. ⁴Sáan itsaa nłni bichągháshé, dagohíí biwóyéta, bich'ínéta daagoljįyúgo, áí bigowaqee Bik'ehgo'ihí'nañ k'ehgo ihí'naahíí yídaagoł'aah le', áík'ehgo bishchiiníí bidená nanáda'ahí'nił le'; áí

Bik'ehgo'ihinaan bił nlt'ée la'íi bił dábi'eh. ⁵Itsa nlinihí, dasahndi nagháhi, Bik'ehgo'ihinaan ya'olígo dayúweh na'okeedgo na'okaqah, t'é'gee la'íi jii'gee. ⁶Áidá' gonedl'ihíi zhá hádéz'ihíi, hīnaa ndi daztsáni k'ehgo at'ée. ⁷Díi ndzilgo bee bił ch'igon'áah le', áik'ehgo doo baa dahdaagot'aah da doleeł. ⁸Dahadín bik'íi, dabíi bichagháshé zhá itisgo, doo nlt'ée'go áyíłsi da l'ék'eyúgo, doo oshdlaa da nīihíi k'ehgo at'ée, doo odlaa dahíi bitisgo nch'og'go adzaa. ⁹Isdzáné la' doo hwahá gostádin bił łegodzaa dahíi, itsa daanlíni, doo itah bizhi' bá ágóle' da, la'íi bika' dała'á n'íyúgo zhá itah bizhi' bá ágóle', ¹⁰Nlt'ée'go binasdziidíi bee baa na'goni' le', chagháshé daayinesaqayúgo, baa hasta' nách'ikah hat'íyúgo, ínashood bikee ya' tádáigisyúgo, bich'i' goy'ée'go nadaagowahíi yich'odaaniiyúgo, la'íi na'iziid daanzhooníi dawa nayik'íiziid l'ék'eyúgo itah bizhi' bá ágóle'. ¹¹Áidá' itsa ánii nakaiyehíi doo itah bizhi' bá ágóle' da: ái dánko nniinéh hádaat'ijgo Christ yits'á'zhi' ádaane'; ¹²Áik'ehgo dantsédá' Bik'ehgo'ihinaan bá na'isiid doleeł daanii n'íi k'ihzhi' ndaizné'híi bigha biniidaagodiln'ehíi bee bándaa'godot'aal. ¹³Gotahkaigo daazhógo anákeehíi yídaago'aah ałdó'; doo ái zhá da, ch'inii daanii la'íi dawahá yaa yádaakti', doo bidildoo dahíi ndi, doo yaa yádaakti' da le'at'ée n'íi ndi yaa yádaakti'. ¹⁴Áik'ehgo díi hást'íi, itsa ánii nakaiyehíi nnádaakse' le', bichagháshé ádaagole', bigowa nlt'ée'go ádaayíłsi, áik'ehgo nohwits'á'zhi' ádaat'eehíi doo nohwaa ch'inii ádaile' da doleeł. ¹⁵Ik'idá' la' Satan yich'igo ádaasdzaa. ¹⁶Nnee la' dagohíi isdzán ínashood nlini bik'íi itah itsa nliiyúgo yich'onii le', ínashood daanliiníi doo nadaabinłt'og da doleełhíi bigha; áik'ehgo itsa daanlíni doo hagot'ée'go bich'ogo'nii dahíi yich'odaanii doleeł. ¹⁷Ínashood yánadaaziiníi nlt'ée'go yikísk'eh nadaaziiníi nakidn da'áganel't'eego daidintsigo bich'i' na'ihinił, hadín yánádaaltihíi la'íi ilch'igó'aahíi nayik'ída'iziidíi da'ái zhá itisgo. ¹⁸Bik'ehgo'ihinaan biyati' bek'e'eshchiiníi gáníi, Magashii t'oh naghái hay'í'eesdá' bizé' doo bik'en'áah da. La'íi ałdó' gáníi, Hadín na'iziidíi bich'i' na'niilgo goz'aq. ¹⁹Ínashood yásizini baa dahgosit'aahíi doo óyénłts'aq da le', naki dagohíi taagi hilt'eego daayo'ij l'ék'eyúgo zhá. ²⁰Nch'og'go ánadaat'ijl'íi dawa bináál bił ntéh, la'ihíi biini' daaháh doleełhíi bigha. ²¹Bik'ehgo'ihinaan la'íi Jesus Christ nohweBik'ehn, la'íi Bik'ehgo'ihinaan binal'a'á yaaká'yú daagolíníi bitahasdlaahíi binadzahgee nawode bee gánildishnii, Díi baa nich'i' yashti' n'íi bénánłniilgo baa nanna, nnee doo dała'á itisgo nił nzhog da, doo i'anigo baa natsínkeesgo da. ²²Bik'ehgo'ihinaan biyati'íi yee yánáltih doleełgo nnee da'adza'íi doo dagoshch'i' biká' ndenłn'íi da; nnee nch'og'go adzaahíi doo bił dała' ánt'ée da; dilkoqohgo ádinłzi. ²³Kod'í godezt'igo doo tú zhá nidlaa da, áidá' ayáhago dahts'aa bitoo nidlaa, nibid bich'i' nzhoghíi bigha, la'íi da'ákozhá dinniihíi bigha. ²⁴Nnee la' ch'í'nah nda'iksiih, áik'ehgo dagoshch'i' baa yá'iti' doleeł; áidá' la'ihíi binch'og'íi doo dagoshch'i' daahilłtséh da. ²⁵Da'ágát'ée'go nnee la' nlt'ée'go ánát'ijhíi bik'izhi' hit'ij; doo hit'ij da ndi, doo hagot'ée'go nádil'ij da.

6 ¹Isnáh daanliiníi binant'a' daanliiníi daidnłsi le'; doo ágádaat'ij dayúgo Bik'ehgo'ihinaan bizhi' la'íi bee ilch'igot'aahíi doo dilzi dago ádaile'. ²La' binant'a' ínashood daanliiyúgo, odla' yee bik'isyú daanliihíi

bighą doo yitisyú ádestij da le', áidá' na'idziidíí bee bich'odaan̄ihíí ínashood Bik'ehgo'ih̄i'nān̄ bił daanzhooníí daanl̄ij̄ihíí bighą dayúweh n̄t'éeego yá nada'iziid le'. Díí dawa iłch'ígon'áah, ła'íí bee bidag yádaan̄ti'. ³Ła' n̄nee łahgo iłch'ígó'aah l̄ék'eyúgo, ła'íí Jesus Christ nohweBik'eh̄n̄ biyati' da'an̄ihíí ła'íí Bik'ehgo'ih̄i'nān̄ k'ehgo be'ách'it'éeego iłch'ígót'aahíí doo bił dábik'eh da l̄ék'eyúgo; ⁴Án̄ doo nt'é yigółs̄j da ndi ídilkąąh, ła'íí na'ídilkid ła'íí agodit'áhíí zhą bił n̄t'ée, áí ła' bíyééhíí ídáhách'it'iiníí áile', ła'íí iłch'ij' nagonłkaadíí, déench'ó'ego aayá'iti'íí, ła'íí nch'ó'go łaadaagoch'odl̄ihíí add'ó' áile', ⁵N̄nee ágádaat'eehíí biini' daach'óqđgo da'an̄ii ágot'eehíí bits'ą'zh̄i'go ádaaszaahíí dayúweh łahadaadit'áh, daazhógo Bik'ehgo'ih̄i'nān̄ k'ehgo ách'it'éeéhíí bee ich'it'ij̄i daanz̄i: ágádaat'eehíí doo bił nahkai da. ⁶Ndihíí Bik'ehgo'ih̄i'nān̄ k'ehgo ách'it'éeéhíí ła'íí koł dábik'ehyú ch'ih̄ināahíí da'an̄ii bee łaągo ich'it'ij̄i. ⁷Doo nt'é ni'gosdzán biká' bił daagosiidlij̄i da, áidí' da'an̄iigo daan̄niigo doo nt'é ch'ídaan'né' da doleeł. ⁸Nohwihidán ła'íí nohwi'íí daagol̄ij̄ihíí bighą nohwił daagozh'ó le'. ⁹Áidá' hádaaldzil hádaat'iiníí nabídaadintaahíí ła'íí bánakł'íí'ááhíí yee nihidéh, ła'íí doo daagoyąą dago ła'íí ín̄i'da'dilni'go nch'ó'go hádaat'iiníí yee nihidéh, áí daabilch'óqđ, ła'íí da'itsaahíí begoz'ąą yune' odaabilkaad. ¹⁰Bestso bidáhzhi' ch'il̄ij̄ihíí nch'ó'go ágot'eehíí dawa bikeghad at'éé: áí ła' ídáhádaat'ij̄iigo odla' yits'ą'zh̄i' ádaane', ła'íí łaągo doo bił daagozh'ó dahíí yee ín̄i'da'dilni'. ¹¹Ndihíí ni, Bik'ehgo'ih̄i'nān̄ bána'iziidíí n̄l̄ni, ágádaat'eehíí dawa bits'án̄lyeed; dábik'ehyú ánt'ée le', Bik'ehgo'ih̄i'nān̄ be'ánt'ée le', ni'odla' golij̄i le', nił'ij'óq le', níni' k'eh ánt̄s̄j, ła'íí nijij̄i yune' isht'egodnt'ée le'. ¹²Nohwi'odla' bá nagonłkaad le', dahazhi' ih̄i'nāahíí n̄dzilgo hón̄ta', áí bich'ij' ni'dokéed ni', áidí' ch'iláni bińáál ni'odla' bee hándzii ni'. ¹³Díí nawode bee ágánildishn̄ii, Bik'ehgo'ih̄i'nān̄ dawahá daah̄i'naago áyíłsiníí binadzahgee, ła'íí Christ Jesus, Pontius Pilate holzéhi bińáál bi'odla' n̄t'éeego yee hadzii n'íí alđó' binadzahgee; ¹⁴Díí begoz'aaníí bikísk'eh ánt'ée, doo hayú naa daats'idilhił dago, doo naa dahgosit'aah dago, Jesus Christ nohweBik'eh̄n̄ nádzáázhi': ¹⁵Áí bijij̄i biká' ngonyáágee Bik'ehgo'ih̄i'nān̄ ch'ij'nah áile' ndi at'éé, án̄ zhą Nant'án̄ baa gozh'óoníí, ízigo nant'án̄híí bitisgo Nant'án̄, yedaabik'ehíí bitisgo yeBik'eh̄n̄; ¹⁶Ih̄i'naa doo ngonel'ąą dahíí da'án̄ zhą bits'ą'dí'hi at'éé, án̄ idindláádíí yiyi' golij̄i, doo hadín̄ akóne' nowáhi at'éé da; án̄ doo hak'e n̄nee bo'ij̄i da, doo daabołséh át'éé da: án̄ dahazhi' dilzi le', ła'íí dahazhi' dawa yebik'eh le'. Doleełgo at'éé. ¹⁷N̄nee ni'gosdzán biká' hádaaldzilíí gádaabiln̄n̄ii, Doo itisgo ídaadisoh̄nil da le', ła'íí yee hádaaldzilíí dá doo ba'oln̄ij̄i'zh̄i' doo ba'oh̄íí da le', áidá' Bik'ehgo'ih̄i'nān̄ hińáhi bada'oh̄íí le', án̄ biłgoch'oba'go dawahá nohwił dábik'ehyú doleełíí ch'ída'izkaadgo nohwaa yihiníí. ¹⁸N̄t'éeéhíí baa nahkai le', daabiln̄n̄ii, łaągo n̄t'éeego ánádaht'ij̄ił, ła'íí nohwíyééhíí ła'dí' nadaahn̄iih, ła'íí ich'odaahn̄ii le'; ¹⁹Kij̄i bit'ááh łed'n'aahíí n̄dzilyúgo kij̄ihíí n̄dzilgo goz'ąą, da'áik'ehgo n̄t'éeego ánádaht'ij̄iłyúgo yunáásyú goldohyú n̄dzilgo nasozij̄i doleeł, áik'ehgo ih̄i'naa doo ngonel'ąą dahíí bee

daahinohnaa doo, daabiłnii. ²⁰Timothy, bee na'osdli'íí baa gonyáá, yati' Bik'ehgo'ihí'nań doo bik'eh dahíí, ła'íí yati' da'ílinígo nadaagoch'ijaahíí bits'á'zhí' ánt'éeé, ła'íí ígoł'aągo bił'ígóziníí ga'ánolini, Bik'ehgo'ihí'nań biyati' bits'á'zhí' íłch'ígót'aahíí, ałdó' bits'á'zhí' ánt'éeé. ²¹Ła' áí íł'ígóziníí daayodłago da'anii odł'íí yits'á'zhí' ádaane'go nda'ahiłsiih. Bik'ehgo'ihí'nań biłgoch'oba'íí bee nich'í' goz'aą le'. Doleełgo at'éeé.